

სახელმწიფო შესყიდვების შესახებ ხელშეკრულება N369/06

05 მაისი 2017წელი

ქ. თბილისი

ერთის მხრივ, სსიპ „ივანე ჯავახიშვილის სახელობის თბილისის სახელმწიფო უნივერსიტეტი“ (შემდგომში „შემსყიდველი“) წარმოდგენილი ადმინისტრაციის ხელმძღვანელის ნუნუ ოვსიანიკოვას სახით და მეორეს მხრივ, შპს „სქელსერვისი“ (შემდგომში „მიმწოდებელი“) წარმოდგენილი მისი დირექტორის ცოტნე ცოფურაშვილის სახით, სახელმწიფო შესყიდვების კანონის და პრეტენდენტის (შპს „სქელსერვისი“) სატენდერო წინადადების (SPA170005882) საფუძველზე, ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე, თუ ხელშეკრულებით სხვა რამ არ არის გათვალისწინებული.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

2. ხელშეკრულების საგანი

2.1 სსიპ ივანე ჯავახიშვილის სახელობის თბილისის სახელმწიფო უნივერსიტეტის მიერ, ეკონომიკური საქმიანობიდან მიღებული შემოსავლების დაფინანსების ფარგლებში მსოფლიო მარათონზე მიწვეული სტუდენტებისა და სპორტული გუნდების წარმომადგენლებისათვის საავტომობილო ტრანსპორტის მომსახურებების (CPV60100000) შესყიდვა.

2.2. გასაწევი მომსახურების აღწერილობა განისაზღვრება ტენდერში მიმწოდებლის მიერ წარმოდგენილი დოკუმენტის ფასების ცხრილის შესაბამისად, რომელიც წარმოადგენს წინამდებარე ხელშეკრულების განუყოფელ ნაწილს.

3. ხელშეკრულების ღირებულება

3.1. ხელშეკრულების ჯამური ღირებულება შეადგენს 1200,00 (ათას ორასი) ლარს.

3.2. მოსაწოდებელი საქონლის ერთეულის და საერთო ფასი განისაზღვრება ტენდერში მიმწოდებლის მიერ წარმოდგენილი დოკუმენტის – ფასების ცხრილის (დანართი N1) შესაბამისად, რომელიც წარმოადგენს წინამდებარე ხელშეკრულების განუყოფელ ნაწილს.

3.3. ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების გაწევასთან დაკავშირებულ მიმწოდებლის ყველა ხარჯს, საქართველოს კანონმდებლობით გათვალისწინებულ გადასახადებს.

4. ხელშეკრულების შესრულების კონტროლი

4.1 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს განახორციელებს თსუ-ს საზოგადოებასთან ურთიერთობის დეპარტამენტი.

4.2 შემსყიდველი ორგანიზაცია უფლებამოსილია აწარმოოს მიმწოდებლის მიერ გაწეული მომსახურების კონტროლი ხელშეკრულების მოქმედების ნებისმიერ ეტაპზე, ხელშეკრულებით გათვალისწინებულ ტექნიკურ პირობებთან შესაბამისობის დადგენის მიზნით.

4.3 მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა ხარვეზის აღმოფხვრა, ხარვეზის არაღმოფხვრის შემთხვევაში შემსყიდველი უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

5. ანგარიშსწორების ფორმა, ვადები და პირობები

5.1 ანგარიშსწორება განხორციელდება უნაღდო ანგარიშსწორებით ეროვნულ ვალუტაში.

5.2. ანგარიშსწორება მხარეებს შორის იწარმოებს ფაქტობრივად მოწოდებულ შესყიდვის ობიექტზე გაფორმებული მიღება-ჩაბარების აქტის საფუძველზე, ანგარიშ-ფაქტურის წარმოდგენიდან 10 სამუშაო დღის განმავლობაში.

6. შესყიდვის ობიექტის მიღება-ჩაბარების წესი

შესყიდვის ობიექტის მიღება-ჩაბარება განხორციელდება ეტაპობრივად, ფაქტიურად გაწეული მომსახურების ღირებულების შესაბამისად, წინამდებარე ხელშეკრულების 4.1. პუნქტით განსაზღვრული პირ(ებ)ის მიერ შედგენილი დასკვნის საფუძველზე მხარეთა შორის გაფორმებული მიღება-ჩაბარების შუალედური აქტით.

7. მომსახურების გაწევის ვადები, ადგილი და პირობები.

7.1 მიმწოდებელმა ტურისტული ავტობუსებით მომსახურება უნდა უზრუნველყოს 2017 წლის 07 მაისს 07:00-სთ-დან მთელი დღის განმავლობაში.

7.2. მიმწოდებელი მომსახურებას განახორციელებს თსუ-ს პირველი კორპუსიდან დანართი N1-ში მოცემული მიმართულებების მიხედვით.

8. პირგასამტეხლო ხელშეკრულების პირობების შეუსრულებლობისათვის

8.1. ხელშეკრულებით ნაკისრი ვალდებულების შეუსრულებლობის შემთხვევაში, მიმწოდებელს დაეკისრება პირგასამტეხლო ხელშეკრულების ღირებულების 1%-ის ოდენობით.

8.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10% (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

8.3. ხელშეკრულების ღირებულების გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლო გადასახდელი თანხის 0.1%-ის ოდენობით ყოველ ვადაგადაცილებული დღისათვის.

8.3. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

9. ხელშეკრულებაში ცვლილების შეტანა და ხელშეკრულების შეწყვეტა

9.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

9.2. ხელშეკრულების პირობების, მათ შორის, ფასის შეცვლა დაუშვებელია. 9.3. ხელშეკრულების ერთ-ერთი მხარის მიერ პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

9.4 ხელშეკრულების 9.2 პუნქტით გათვალისწინებული გადაწყვეტილების მიღების განზრახვის შესახებ მხარე ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

10. დაუძლეველი ძალა

10.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების

შეუძლებლობის შესახებ.

10.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ განთავისუფლდება ნაკისრი ვალდებულებებისაგან;

10.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

11. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ხელშეკრულების მოქმედების ვადა

ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2017 წლის 31 დეკემბრის ჩათვლით.

შემსყიდველი

ივ. ჯავახიშვილის სახელობის
თბილისის სახელმწიფო უნივერსიტეტი
მისამართი:

ი. ჭავჭავაძის გამზ. №1

საბანკო რეკვიზიტები:

სახაზინო სამსახური

ანგ. №3204050101

საიდენტიფიკაციო კოდი
204864548

თსუ ადმინისტრაციის
ხელმძღვანელი

/ნ.ოვსიანიკოვა



მიმწოდებელი

შპს „სქულსერვისი“

მის.: ქ.თბილისი,

ქ. წამებულის გამზ. N92

საბანკო რეკვიზიტები:

სს „პროგრესიტი ბანკი“

ანგ. № GE34PC0563600100003143

ბანკის კოდი №MIBGGE22

საიდენტიფიკაციო კოდი

426524139

შპს „სქულსერვისი“-ს

დირექტორი

/ც.ცოფურაშვილი



დანართი # 1


2017 წლის 21 აპრილი

ფასების ცხრილი

#	შესყიდვების ობიექტის დასახელება (ტურისტული ავტობუსით მომსახურება)	ავტობუსის რაოდენობა	ერთეულის ღირებულება დღგ-ს გათვალისწინებით	საერთო ღირებულება დღგ-ს გათვალისწინებით
1	50 კაციანი თანამედროვე ტიპის ავტობუსით მომსახურება თბილისი-ლოპოტა-თბილისი (ერთი დღე)	2	600	1200
ჯამი				1200

პრეტენდენტი: შ.პ.ს. „სტუდსერვისი“

უფლებამოსილი პირის ხელის მოწერა:
ბ.ა.



აუცილებელი პირობები:

- სატრანსპორტო მომსახურება მოიცავს ავტობუსს, მძღოლის მომსახურებასა და საწვავის ხარჯებს
- მიმწოდებელს ეკისრება პასუხისმგებლობა მგზავრების უსაბრთხო გადაყვანაზე

ინფორმაცია ინტერესთა კონფლიქტის შესახებ

05 მაისი 2017წ.

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ხელის მოწერით ვადასტურებ, რომ ივანე ჯავახიშვილის სახელობის თბილისის სახელმწიფო უნივერსიტეტის მიერ, გამარტივებული ელექტრონული ტენდერის საშუალებით საავტომობილო ტრანსპორტის მომსახურებების შესყიდვის განხორციელებაში, (განცხადების ნომერი SPA170005882 გამოცხადების თარიღი 20.04.2017წ.) ჩემი მონაწილეობა არ იწვევს ინტერესთა კონფლიქტს შპს – სთან „სქულსერვისი“.

თსუ ადმინისტრაციის ხელმძღვანელი:

ნ. ოვსიანიკოვა

თსუ შესყიდვების განყოფილების
უფროსი:

ს. სანაძე